



Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

Art. V. Vtrum peccata commissionis & omissionis, ex eodem motivo procedentia, sint ejusdem speciei in esse moris?

[urn:nbn:de:hbz:466:1-77355](#)

DE PECCATO COMMISSIONIS ET OMISSIONIS. 395

bilem cum illo ad quem tenetur: nam ibi non loquitur de peccato omissionis in affectu, sed in effectu, & de illo assertit non incipere nisi quando omissionis actualiter ponitur; cum quo tamen stat quod incipiat in affectu formaliter aut interpretativo, quando aliquis se applicat ad actum incompositibilem cum illo ad quem tenetur; & hoc satius insinuat ibidem, dum ait, *quod omissionis incipit imputari ad culpam quando est tempus operandi, propter causam tamen precedentem, ex qua omisso sequens redditur voluntaria: si enim ex antecedenti voluntate omissionis esse voluntaria, ex eadem etiam est culpabilis.*

- 164.** Si autem queras, quas omissiones velit quis implicitè & virtualiter, quando vult apponere causam? Responderet eas tantum velle censerri, quas in tali causa previdere & praecavere poterat. Unde quamvis quis suā culpā excommunicetur, aut mittatur in carcерem, vel capiatur ab infidelibus, aut incidat in infirmitatem, non est censendus velle omissionem audiendi sacram, quae inde sequitur, & postea peccare non audiendo: licet enim causa talis omissionis fuerit voluntaria, homo tamen moraliter non poterat, nec tenebatur eam in talibus causis prævidere, & præcavere, cùm hoc prudentiam hominis supereret. Si quis tamen die festo, quando debet sacram audire, vellet ludere, vel dormire, aut fesse inebriare, implicitè & virtualiter vellet omissionem faciri, quia eam in his causis poterat & tenebatur prævidere, ac præcavere: & idem est de omissione recitandi horas canonicas, quando clericus projicit breviarium in mare.

ARTICVLVS V.

Vtrum peccata commissionis & omissionis, ex eodem motivo procedentia, sint ejusdem speciei in esse moris?

- 165.** CERTVM & indubitatum est, commissionem & omissionem, in esse physico consideratas, specie & plusquam specie inter se differre: habent enim se in hoc genere sicut affirmatio & negatio, & sicut ens & non ens, inter quæ nulla datur convenientia. Sed quia ea quæ sunt maximum diversa in esse naturæ, secundum esse moris possunt ad eandem speciem pertinere; sicut ad eandem speciem homicidij pertinet jugulatio, lapidatio, & perforatio: quamvis actus sint specie differentes secundum speciem naturæ, ut ait S. Doctor hic quæst. 72, art. 6. ideò querunt Theologi utrum peccata commissionis & omissionis, ex eodem motivo procedentia, sint ejusdem speciei in esse moris? v. g. an si medicus, cui incumbit ex officio cura infirmi, medicinas ei necessarias ex proposito omitterat propinare ut moriatur, & ex proposito occidat propinando noxiis, utrumque sit ejusdem speciei in esse moris, & pro eodem peccato homicidij reputetur? Ne-gant Curiel, Zumel, Vazquez, Philippus à S. Trinitate, & quidam alij Recentiores: Affirmant Cajetanus, Conradus, Medina, Aluarez, Martinez, Marcus à Serra, Salmanticenses, & alij. Cum quibus

- 166.** Dico, peccata commissionis & omissionis esse ejusdem speciei in genere moris, si ad idem ordinentur, & ex eodem motivo procedant. Hæc est procul dubio mens S. Thomæ loco citato ubi

Tom. III.

A ait: *Si loquamur de specie peccati omissionis & commissionis formaliter, sic non differunt specie, quia ad idem ordinantur, & ex eodem motivo procedunt: avarus enim ad congregandam pecuniam & rapit, & non dat ea quæ dare debet; & similiter gulosus ad satisfaciendum gula, & superflua comedit, & jejunita debita pretermitit.*

Idem colligitur ex illo per celebri Ambrosij effato, si non pavisti (nempe elucientem cum id facete tenebaris) occidiisti: his enim verbis S. Doctor non obscurè declarat esse ejusdem rationis & malitia, omittere dare cibum egeno extremè indigenti, ac ipsum occidere, & utrumque ad speciem homicidij pertinere.

Probatur etiam conclusio ratione quam S. Thomas loco citato insinuat. Actus humani &

167.

peccata habent speciem ex fine, ut patet ex art. 3. ejusdem quæst. & supra quæst. i& art. 4. Ergo si omissionis & commissionis ad idem ordinentur, & ex eodem motivo procedant, erunt ejusdem speciei in esse moris. Unde cum duplex sit finis, operis scilicet & operantis; & bonitas, vel malitia, sumpta ex fine operis, sit actui morali essentialis; quando commissionis & omissionis ordinantur ad eundem finem operantis, ejusdem speciei accidentalis sunt, licet specie essentiali in ratione peccati distinguantur; ut patet si quis omnisonem audiendi sacram, & commissionem furti ordinet ad mechiam, vel homicidium: quando autem ad eundem finem operis ordinantur, ejusdem sunt speciei essentialis in ratione peccati, & in genere moris, ut contingit quando commissionis & omissionis ad idem vitium secundum speciem spectant.

Potest adhuc suaderi conclusio alia ratione desumpta ex eodem S. Doctore 2. 2. quæst. 79.

art. x. quæ potest sub hac forma proponi. Ita proportionaliter se habent in genere mali facere malum, & omittere bonum ex eodem motivo, putâ furari, & non restituere, sicut in genere boni si habent facere bonum, & omittere ex eodem motivo oppositum malum: At hæc duo non constituant distinctas moraliter species: Ergo neque illa debent eas constituere. Major constat ex paritate rationis. Minor vero probatur ex doctrina D. Thomæ loco citato. Facere bonum &

omittere malum, sunt partes integrantes ejusdem justitiae, juxta illud Psal. 33. *Divertere à malo, & fac bonum: Quorum utrumque (ait sanctus Doctor) requiritur ad perfectum actum justitiae:*

Sed partes integrales aliquid totius, quantum tales sunt, non constituant diversas species, sed spectant ad unam & eandem: sicut partes integrales domûs, quantum in genere artificiali sunt, pertinent ad eandem speciem artefacti; & partes integrales penitentia, ut contritio, confessio, & satisfactio, ad eandem speciem sacramenti: Ergo facere bonum, & omittere malum, non constituant diversas moraliter species, sed ad unam & eandem virtutis speciem pertinent.

Hæc ratio confirmari & illustrari potest exemplo motus physici, quod à Salmanticensibus adducitur. Etenim adæquata ratio istius motus duo

168.

includit, videlicet recessum seu fugam à termino à quo, & accessionem ac prosecutionem termini ad quem; & licet in hoc involuantur duas mutationes, una ab esse ad non esse, & alia à non esse ad esse, non tamen constituent duas species motus, sed spectant ad unam & eandem,

169.

que incipit in recessu à termino à quo, & con-

Ddd ij

summatur ac compleetur in accessu & consecutione termini ad quem; atque ita utramque mutationem ad sui plenam rationem requirit, & ex utraque tanquam ex partibus integralibus coalescit. Ita similiter in moralibus, tam respectu virtutis, quam respectu peccati, philosophandum est: nam utrumque dicit motum à contrario in contrarium sub eadem proportionali ratione; peccatum enim dicit motum à bono ad oppositum malum, virtus verò à malo ad contrarium bonum; unde utriusque specifica ratio, si adéquate sumatur, pertinere debet à suo termino à quo, usque ad proprium terminum ad quem, totumque processum, qui est ab uno in alium terminum, debet includere: Cum ergo mali prosecutio fiat per peccatum commissionis, & recessus à bono debito per peccatum omissionis; consequens est, ut si utrumque hoc peccatum ex eodem motivo, ac proinde in ordine ad idem specificativum procedat, utriusque malitia ad eandem speciem moraliter pertineat, & unicum moralem processum constituit, in quo omissione seu fuga boni se habebit per modum termini à quo, & inchoative, & commissio mali per modum termini ad quem, & formaliter ac completive; prius enim est bonum deserere, & deinde oppositum malum perpetrare.

Ex quo intelliges, peccata commissionis & omissionis, ex eodem motivo procedentia, non dicuntur ejusdem speciei in esse moris, ex eo quod sint partes subjectivæ unicam speciem contrahentes (sicut duo individua ejusdem speciei, pùa homo albus & homo niger, conveniunt in specifica ratione hominis, hæcque de quolibet eorum integrè prædicatur, quamvis distinguantur inter se accidentaliter ratione alibi & nigri) sed quia se habent ut partes integrales, ex quibus unica in esse moris species peccati integratur, & coalescit, sicut ex partibus integralibus pœnitentia unicum sacramentum constituitur.

170. Contra hanc conclusionem in primis objiciunt Curiel & Vazquez hoc vulgare argumentum. Privatio & forma positiva ubique sunt debent distingui plusquam specificè, immo nec analogicè possunt convenire in aliquo prædicato reali, cum enti & non enti nihil possit esse commune: Ergo cum malitia peccati commissionis sit forma positiva, omissione verò sit privatio, in nullo poterunt convenire, nec proinde esse ejusdem speciei.

171. Sed hoc argumentum probat quidem peccata commissionis & omissionis, logicè vel metaphysicè loquendo, nunquam esse ejusdem speciei, immo neque ejusdem generis, cum positivum & privativum, in quoquaque genere sint, logicè loquendo in nullo convenient, sed different sicut esse & non esse, & sicut affirmatio & negatio, inter quæ nulla datur univocatio aut convenientia: non tamen convincit peccata commissionis & omissionis non posse dici unius speciei moraliter; quia ad hoc non requiritur quod in aliquo prædicato superiori univocè convenient, sed sufficit quod per modum partium quasi integralium, unam totalem speciem moraliter constituant, ut jam declaravimus.

172. Obiciunt secundo: Si peccata commissionis & omissionis ex eodem motivo procedentia efficiunt ejusdem speciei, non necesse esset utrumque scorsim in confessione explicare, sed sufficeret quod pœnitens diceret se peccasse peccato talis speciei: Sed hoc videtur falsum: Ergo & il-

lud. Minor videtur certa: Sequela autem Majoris probatur. In confessione sufficit aperte numerum & species peccatorum, nec necesse est (juxta probabilem sententiam) explicare circumstantias quæ non mutant speciem: Ergo si commissio & omissione, quando ex eodem motivo procedunt, non varient speciem peccati, sed unicum in esse moris peccatum constituant, non erit necesse explicare illas in confessione.

Huic argumento respondent Aravio, Montezino, & alij Recentiores, admittendo sequelam, supposito quod prædicta peccata procedunt ex eodem motivo, & supposita probabilitate illius sententiae, que dicit circumstantias non variantes speciem non esse necessariò in confessione detegendas. Sed hæc responsio non videretur: si quis enim eo tempore quo urget præceptum charitatis, ejus actum omittet, & ex eodem motivo Deum odio haberet, nequaquam confessio satisfaceret, dicendo se peccasse lemel aut bis contra præceptum charitatis, sed teneretur explicare, an id fecisset per actum odii, vel per solam omissionem amoris debiti. Unde melius responderet, negando sequelam: licet enim, juxta probabilem sententiam, circumstantiae intra eandem speciem aggravantes non debeant necessariò in confessione explicari, bene tamen ea quæ non omnino se habent per modum circumstantiarum, sed spectant ad ipsam substantiam speciei peccati, ut partes eam integrantes; unde cùm peccata commissionis & omissionis ex eodem motivo procedentia, se habeant ut partes integrales, ex quibus unica in esse moris peccati species constituitur, ut supra ostensum est, debent necessariò scorsim in confessione declarari.

Ex dictis in hac disputatione intelliges, peccatum ab Augustino lib. 22. contra Faustum cap. 27. sic rectè describi: *Peccatum est dictum, vel factum, vel concupitum contra legem Dei aeternam.* Cùm enim in peccato duo sint, nimur actus humanus, qui est quasi materiale illius, & malitia, quæ est ejus formale, primum explicatur per *ly dictum, factum, vel concupitum*, quod complectitur omne peccatum; siquidem peccatum adiquatè dividitur in peccatum cordis, oris, & operis: secundum verò significatur per illa verba, *contra legem Dei aeternam*. Licet enim peccatum immediatè contrarieatur rationi, & legi naturali aut positivæ; quia tamen recta ratio, & leges omnes à legi aeterna, qua est divina ratio & sapientia, ut radix à sole, & rivuli à fonte promanant, juxta illud Proverb. 8. *Per me reges regnant, & legum conditores justa decernunt, peccatum dicitur potius contrarium legi aeternæ, quam recta rationi, aut legi naturali vel positivæ.*

Docet autem sanctus Thomas hic quæst. 71. art. 6. ad 1. quod hæc definitio potest etiam comprehendere peccatum omissionis, illique accommodari: quod facies, si pro eodem in hac definitione accipias dictum & non dictum, factum & non factum, concupitum & non concupitum, prout ista omnia dicunt parentiam actus in subiecto debito. *Affirmatio enim & negatio* (inquit sanctus Doctor) *reducuntur ad idem genus; sicut in divinis genitum & ingenitum ad relationem, ut Augustinus dicit in s. de Trinitate, & ideo pro eodem est accipendum dictum non dictum, factum & non factum.*